

北京救世堂印

天主降生後一千九百零二年

耶穌聖心聖衣

北京主教樊准

耶穌聖心聖衣

耶穌聖心聖衣



## 耶稣圣心圣衣来由

罗马礼部，一千九百年西历四月初四日，之谕曰：教中人多有恭佩耶稣圣心像于胸前，如戴圣衣者然。溯此热心美行，原系天主默示，福女玛尔加利大亚辣哥克以兴者，其后教宗颁赐许多不全恩赦，又曰，又有一相同之善工，日益广行，特于法国及附近各方尤为盛兴。

此指一千八百七十六年，自伯肋瓦森地方流行于各处之圣衣而言也，按该处本主教准印之纪略，明言圣母曾显现于贤女爱斯卫肋法盖特氏，指己胸前所佩之圣心圣衣，谓之曰：吾甚爱此善工，吾若见吾子女，皆佩

此圣衣，乐莫大焉。此即一千九百年，教宗因献圣母无原罪会总统之请，敕令礼部察明准行，定为真正之圣心圣衣者是也。

然有两样略须更改之条如下：一、宜除去圣母像胸前所佩之小圣衣；二、圣母像上我乃全仁慈者之句，宜以短诵仁慈之母易之。

## 要 规

圣心圣衣，一如寻常圣衣之式，用白毡两片，以带连之，一片面上，宜有耶稣圣心像。按寻常绘画圣心之式绘成。一片面上，宜有圣母像，上边题曰仁慈之母。

圣此圣衣，必须有此权之神父依罗马礼部所定之经文礼节祝圣，亲手与领圣衣者佩带，无论在会与不在会之铎德，欲得此权，宜向献圣母无原罪会之总统，或总管孟玛尔特圣心堂之神父，或圣母往见会之本神父，或罗马城内得辣巴塞本堂神父求之，均可。

不在会之铎德，既得此权，仍当呈本地主教，勘明权据。

## 大 赦

一千九百年，西历七月初十日，教宗特降谕旨，颁赐许多恩赦于恭佩圣心圣衣之人，其言曰：朕因天主圣名颁赐天下男女教友佩带圣心圣衣者，只须圣衣按礼部准定之式制成，并征有此权之神父依规祝圣，能得全赦及诸罪之赦：

一、领圣衣之本日，告解领圣体得全大赦。

二、临终时，真心痛悔，告解领圣体，或不得告解领圣体，而痛悔己罪及虔诵耶稣圣名，或不能口呼，而诵之于心，又视死亡为己罪应受之罚，甘心领受于天主之手，以当补赎者，可得全赦。

三、耶稣圣诞，立耶稣圣名，三王来朝，耶稣复活，耶稣升天，圣体瞻礼及八日后之瞻礼六（即是耶稣圣心瞻礼），圣母始孕母胎，圣母圣诞，圣母领报，圣母献耶稣于主堂。

圣母升天，仁慈之母瞻礼，自前晚至瞻礼暮，凡热心恒佩此圣衣者，痛悔己罪，告解领圣体，朝拜本处大堂，或公中小堂，热心诵经求主，为教中帝王和睦，异端消灭，圣教广扬，可得一全赦，并蒙诸罪之赦。

普世佩此圣衣之信友，除得以上全赦外，尚能得不全恩赦如下：

一、每逢耶稣圣母之二等瞻礼，照前痛悔，朝拜圣堂，得七年并七次四旬之恩赦。

二、每日念天主经、圣母经、圣三光荣颂各一遍，或念玛利亚圣宠之母，仁慈之母护我等于仇敌，收我等于死候，可得二百日之恩赦。

三、无论行何爱人善工，可得六十日恩赦。

又恩准佩此圣衣之信友，每遇罗马弥撒经典内所载，朝拜某圣圣堂之日，无论朝拜何处大堂，或公中小堂，遵行当行之欸，所得恩赦与亲身往拜罗马京都之各大堂无异，以上全与不全之恩赦均能随意让于炼灵。

## 神 益

耶稣圣心像，实乃圣爱之表记，使我等恒忆天主如何爱人，致令其惟一圣子结合人性听命至死，树立诸德善表，以己之良善心谦，明示我众。

圣母像及其甘饴之名号曰：仁慈之母，皆使我等得知圣玛利亚之爱人，真如慈母之保赤子，而我等倚靠之诚，亦当如子之望母也。

钦敬耶稣圣心与敬礼童贞圣母，乃当今之两大神工也，圣心圣衣将此二者合而一之，可知敬礼圣母者，必蒙其引至耶稣前也。

救世主亲许于福女玛尔加利大，凡敬礼圣像者，耶稣必大开圣心宝库，以富其灵。

一千七百二十年，与一千七百二十二年，瘟疫大行，教众倚赖圣心，得以止息，自此以后，圣心像已有救灾捍患之名称矣。

教宗良第十三位，极口称扬圣心像之益曰：今又有一预兆诸福之圣号，显于众目之前，即是耶稣圣心上有十字坚立于火焰中，辉耀四射，我等皆当仰望之，祈求之，以获常生可也。

## 本 分

除恭佩圣心圣衣，昼夜不离外，并无别样本分。然领圣衣前，宜告解领圣体，以获全赦。至若领圣衣之本日，热切献己与圣心，其后每洋月第一瞻礼六，领圣体，重行自献，求入耶稣圣心会，是皆美善之工也。

## 须知

一、领圣心圣衣者，不必录名于册，孩童领之亦无不可。

二、必须有此权之神父，将已祝圣之圣衣，与领者搭于颈上，如寻常带圣衣之规。遇有真正缘故，搭于肩上亦可，若只放于手内，则不妥，或使他人送去则更不妥矣。

三、带子之材料颜色，俱无定规，亦能用一付带子，与别样圣衣，一并缝连，以便于佩戴。

四、部谕准定此圣衣与圣心像，及童贞圣母像，言之甚详，故此二者均不可缺。

五、若圣衣敝旧损坏，另制新圣衣一付足矣，不必再行祝圣，用一付圣衣可收多人，但每人宜佩之第一付圣衣，皆当祝圣。

## 领圣衣后经文

耶稣良善而心谦者，求尔变化我等之心，如尔圣心。

玛利亚圣宠之母，仁慈之母，护我等于仇敌，收我等于死候。

## 总结

耶稣圣心像，乃真天主之宝号，今我等奉仁慈圣母童贞玛利亚之懿训，佩此以为胸前之饰，一如昔日义辣阨尔民，以巴斯卦羔羊之血涂门，免受天神剿戮也。

有此一举，既可征吾人爱救世主之诚意，又可著吾忠勇，事彼于斯丧世，且表我等，深愿力行。

福女玛利亚玛尔加利大之志意，及仿效其芳踪，以钦敬耶稣圣心焉。试听福女之言曰：若人果知此工，如何悦乐耶稣，则有些微热爱者，必无不乐行之者矣。

终